

SHKALLËT E BESIMTARËVE NË RRUGËTIMIN DREJT ALLAHUT (MEDAARIXH ES-SAALIKIIN)

Të dëgjuarit / *es-Semaa'a* /

Dr. Hatim el-Haxh

Materiali është përmbledhje e kuptimeve të audio-ligjëratës nga nxënësit e hoxhës

<https://buff.ly/2hbVv4T>

Allahu ﷻ thotë:

“Sikur Allahu të shihte ndonjë të mirë në ta, do t'i bënte të dëgjonin.” (el-Enfaal, 23)

Thelbi i kësaj çështjeje është arritja e vëmendjes së plotë. Kjo ka tri nivele.

Të dëgjuarit e shumicës së besimtarëve është:

- Përgjigja me entuziazëm¹ në kërcënimet dekurajuese
- Përgjigja me vendosmëri në ftesën joshëse
- Të parët domethënës të favoreve ndaj teje²

Të dëgjuarit e elitës së besimtarëve është:

- Të parët e të synuarit (Zotit) në të gjitha shenjat.³
- Të parët e qëllimit të krijimit të tërë ekzistimeve të gjalla
- Çlirimi nga kënaqja me shpërhapjen⁴

¹ Të kesh entuziazëm për ta fituar kënaqësinë e Tij ndërsa ke frikë nga kërcënimet (me ndëshkim).

² Njohja se çfarëdo që je lejuar të dëgjosh, është nga favoret e Allahut ndaj teje.

³ Zoti është i synuari. Të parët e Tij në të gjitha shenjat që tregojnë nga Ai, është veçori e elitës ndër besimtarë. Ata po ashtu e dëgjojnë Atë (duke dëgjuar me vëmendje Librin e Tij) nëpërmjet Tij (duke hequr egon dhe prirjet mes vetes dhe Atij, si dhe duke e përgjyruar për udhëzimin e Tij) dhe për Të (duke hequr të gjitha qëllimet e tjera veç kënaqësisë së Tij).

⁴ Ti mund të përfitosh nga të mësuarit e opinioneve e këndvështrimeve të ndryshme ndaj Fjalës së Zotit, por nuk bën të lejosh që këto të t'i mjegullojnë qëllimet ashtu që këto të bëhen qëllim në vetvete. Domethënë, bërja e tyre si qëllim në vetvete mund ta shpërqendrojnë zemrën nga vjelja e dobive nga Fjalët e Tij.

Të dëgjuarit e ajkës (më të mirëve) së elitës së besimtarëve është:

- Të dëgjuar që eliminon të gjitha gabimet e zbulimit⁵
- që bashkon përjetësinë e pafund (*el-ebed*) me përjetësinë e pafilluar (*el-ezel*)
- dhe që kthen përfundimet në fillim⁶

⁵ Thelbi i asaj çfarë dëgjohet, mund t'u nënshtrohet ndryshimeve dhe acarimeve të shkaktuara nga keqkuptimet dhe ndërhyrjet nga mediumet. Efekti i dëshiruar arrihet atëherë kur zbulimi i njëmendtë të prekë zemrën e gatshme për pranim.

⁶ Bashkimi i *el-ebed* me *el-ezel* dhe i përfundimeve me fillimin është fryt i të kuptuarit se, ajo që ndodh në *el-ebed*, është e njohur për Të që nga *el-ezel*; ajo që është caktuar në *el-ezel*, do të ndodhë në *el-ebed*. Prandaj këto janë si një pikë e vetme. Ai që kupton këtë, do ta kërkojë vetëm Ezeliun (Atë që s'ka fillim), meqë të gjitha ekzistimet që kanë fillim, varen nga Ai dhe kanë nevojë për Të.